

論易丹邱雖以名望蚤成一家固不精易學舉王弼韓康伯程頤朱熹等之數家說與之論談白蛾商推歷代百三十有餘家指摘其說醇疵悍然曰魏晉之人淆亂虛玄宋元之儒拘束性理咸是迂遠于易義也丹邱然焉後序所著古易對問云白蛾氏於易學顯微闡幽悉削後儒陋見別立一家之旨自丹邱出此言儒流皆知白蛾精于易不世占筮者之類矣○中略

白蛾著易書數種多主於占筮各行於坊間街衢賣筮者自稱白蛾之門人棄擲斷易天機焦氏易林等之諸書為俗書而不顧故又不為擲錢星命飛伏納甲雜占專主卦象古易中興之稱於是乎立白蛾易術婦人小童無不知者至乃謂探策占物同符管郭與世之附會生剋牽強災緯者異白蛾自稱謂東方出一邵康節先生而象數明於世則可矣自負其技常亦如斯

〔南留別志〕今の陰陽師などのする八卦のうらかたは京房が法より出たり

〔易占要略〕凡用易為占者必須揲著以求卦其法如朱氏筮儀既筮得卦然後視其變否詳其象數兼取互體考其納甲世應飛伏六親六神動靜干支合衝六甲孤虛五行生剋王相有氣無氣以占其事吉凶斷以卦爻之辭然以卦爻之辭為斷者六爻皆不變則取本卦彖辭一爻變則取本卦變爻五爻變則取之卦不變之爻六爻皆變則乾坤取二用其餘取之卦彖辭所取止此四者而已朱氏於二三四爻變者亦取卦爻之辭尤為無謂故不可從也其義更問繫辭云易者象也夫象不一而足其類多矣辭則有所局人事之變無窮何可以有局之辭占無窮之變故筮者不如以納甲為占也

〔禮記曲禮上〕外事以剛日內事以柔日凡卜筮日旬之外曰遠某日旬之內曰近某日喪事先遠日吉事先近日曰為日假爾泰龜有常假爾泰筮有常卜筮不過三卜筮不相襲龜為卜筮為筮卜筮者先聖王之所以使民信時日敬鬼神畏法令也所以使民決嫌疑定猶豫也故曰疑而筮之則弗非也日而行事則必踐之

〔唐六典大卜四署〕凡易之策四十有九